

書名 錦繡萬花谷別集三十卷 嘉靖十五年序錫山秦汴鑄石書堂刊本後修
撰者 宋 闕名 撰
卷 卷十五
內容分類 子-類書-彙考-宋
索書號 大木-子部-類書類-31
編號 C5924800

卷十五

[彩色首頁1](#)

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本全文影像資料庫 索書號: 大木-子部-類書類-31](#)

[漢籍善本全文影像資料庫文本錦繡萬花谷別集三十卷 嘉靖十五年序錫山秦汴鑄石書堂刊本後修](#)

版權所有: 東京大學 東洋文化研究所

[使用上的注意事項](#)

錦繡萬花谷別集卷之一

天

陔廣雅云九天之際曰九垓九天之外次曰九垓垓也陔階也言階次有九

漢名臣奏曰今史官所用候臺銅儀則混天法也

述記曰長安南有靈臺上有銅渾天儀

晉天文志天形南高而北下日出高故見日

不見天之居如倚蓋

漢天文志天運三十歲一小變百年中變五

太元經闔天謂之宇闔天謂之宙

天運周

唐天文志元宗詔一行與梁令瓚鑄



禮義青神色頓挫又公孫弘贊曰衛青奮於奴僕

錦繡萬花谷別集卷之十四

錦繡萬花谷別集卷之十五

耆老與福壽通

後漢吳良字大儀鬚髮皓然衣冠甚偉贊曰大儀鵲髮

王獻之覽鏡見髮顧兒童曰日月不相饒村野之人二毛俱催矣汝等何不汲汲爲學寸陰過而不可復得也

桑榆之光無遠照杜題玄武禪師屋壁詩似得廬山路

真隨惠遠遊王註云世說遠公在廬山雖老講論不輟弟子中或有惰者遠公曰桑榆之光理無遠照但願朝陽之輝時與並光明耳

鶴髮雞皮庾信竹杖賦子老矣鶴髮雞皮

少壯不可欺老翁周澤謂諸齋郎曰若年少壯不可欺
老翁翁胸中有書萬餘卷若輩未到此田地諸人慚悚
無一語對

擲鏡鑷南史鬱林王年五歲戲高帝傍帝令左右鑷白
髮問王我誰耶答曰大翁帝笑謂左右曰豈有爲人作
曾祖而拔白髮乎即擲鏡鑷杜詩云東柯遂踈懶休鑷
髮毛斑

不以氣海暖冷物唐柳公度善攝生年八十餘有強力
常云吾初無術但未嘗以氣海暖冷物熟生物不以元
氣佐喜怒耳

飛頭老子酉陽雜俎云嶺南溪洞中有飛頭者故有飛
頭老子之號頭將飛一日前頸有痕匝項如紅縷妻子

遂看守之其人及夜狀如病頭忽生翼脫身而去乃於
岸泥尋蟹蚓之類食將曉飛還如夢覺其腹實矣

癡頑老子五代馮道事唐拜司空晉滅唐道又事晉契
丹滅晉道又事契丹朝耶律德光於京師德光責道事
晉無狀曰爾是何等老子對曰無才無德癡頑老子德
光喜以道爲太傅

詩在昔商山傳四皓又聞香山圖九老異鄉異姓適同
時爭如章泉一家兄弟登期願章泉之上兩山下有地
可官田可稼伯也伯也蚤休官季也相約歸林泉名動
京師耕谷口山中有詩天下傳一生得閑兼得壽皓首
厖眉世稀有竹隱先生八十三定菴居士七十九客從
遠方來亦是六十叟手把一枝梅奉勸兩翁酒問翁何

以致遐齡請翁細說吾細聽不燒丹不學仙五行有長
數天所稟賦焉人生一氣統四體衆人斲喪吾能全要
知養生無他術日多喫飯夜獨眠承翁見教謝翁去兩
翁殷勤留我住是夜醉眠苦竹軒夢見山靈向我言翁
之所說皆不然兩翁盛德合乎天天與遐齡五百年磯
屏章泉二老歌白髮千莖雪丹心一寸灰杜

童幼

明年共我長 嵇康顧子紹曰阿紹明年共我長矣吾甚
喜爾成人又杜示宗武云假日從時飲明年共我長應
須飽經術已似愛文章

十二見知文友 潘安仁懷舊賦月云余十二而獲見知
於文友東武戴侯楊君始見知名遂爲婚姻杜詩云見

知真自幼

南史王儉字仲寶幼篤學手不釋卷賓
客或相稱美叔父僧虔曰我不患此兒無名政恐名太
盛耳丹陽尹袁粲聞其名及見之曰宰相之門括栢豫
章雖小已有棟梁氣矣

家能 北史楊愔字遵彥兒童時口若不能言而風度
深敏六歲學史書十一受詩易好左氏春秋從父兄昱
特相器重謂人曰此兒駒齒未落已是我家龍文更十
歲當求之千里之外

聖小兒 北史祖瑩字元珍八歲能誦詩書十二爲中書
學生耽書父母恐其成疾禁之不能止常密藏火父母
寢然後燃火讀書由是聲譽甚盛內外呼爲聖小兒

遊戲輒為部伍

隋宇文忻為兒童時與羣輩遊戲輒為部伍進止行列無不用命有識者見而異之年十二能左右馳射驍捷如飛嘗謂所親曰自古名將惟以韓衛霍為美談若使與僕同時不令孺子獨擅高名也

隋代有人

隋陸夷字開明少聰敏年九歲就學日誦

二千餘言楊遵彥見而異之曰陸氏代有人焉

隋代有人

隋于仲文九歲嘗於雲陽宮見周太祖太祖

問曰聞兒好讀書書中有何事仲文對曰資父事君忠孝而已太祖嗟嘆之

唐蘇世長

唐蘇世長十歲上書周武帝異其幼問讀

何書對曰治孝經論語帝曰何言可道答曰為國者不敢侮於鰥寡為政以德帝曰善

杜示宗武詩

杜示宗武詩覓句新知律攤書解滿

註云嵇紹新解覓字稍知音律王渾阿戎年少漸解滿牀攤書時問難字

求田問舍是何時隨分生涯可樂饑夢玉今年初學

語阿宜他日定能詩兩家子弟俱無恙一體文章自有

師但得耕桑了門戶吾人不用寧馨兒○東都魯見汝

生時客舍孤吟夜忍饑憶昨能為鵲舞舞祗今應誦鵲

鵲詩儻無氣節如元禮便有功名似藥師問道若知真

理窟且分餘論及吾兒無謝妾髮初覆額折花門前劇

郎騎竹馬來繞牀弄青梅同居長千里兩小無嫌猜十

四為君婦羞顏未嘗開低頭向暗壁千喚不一回時憶

昔十五心尚孩健如黃犢走復來庭前八月梨栗熟一

日上樹能千迴村

婚姻

蕭郎位高年艾 唐蕭嵩貌偉秀美鬚髯始娶會稽賀晦女僚壻陸象先時爲洛陽尉已有名而嵩汨汨未仕夏榮者善四謂象先曰君後十年貴冠人臣然不若蕭郎位高年艾舉門蕃熾

鬼婚 孔氏志怪曰漢盧充范陽人家西四十里有崔少府女墓充因獵逐麋忽見朱門宮舍有人迎充見崔云近得公尊府君書爲君娶吾小女故相邀耳將書示充乃父手札崔乃命女粧飾於東廂引充相見成禮留三日臨別謂充曰君婦有娠矣生男則當留之贈充衣衾令車送之充至家經三年三月三日臨水戲忽見水上

二犢車乍沉乍浮旣達于岸充視車中見崔氏與三歲小兒共載其別車卽崔少府也抱兒還充及詩一首金碗一枚俄而不見及兒長成後歷任數郡

勿使崔家笑人 北史崔陵字長儒一門婚嫁皆衣冠美族婁太后爲博陵王納陵妹爲妃敕其使曰好作法用勿使崔家笑人婚夕文宣帝舉酒祝曰新婦宜男孝順富貴悽跪對孝順乃自臣門富貴恩由陛下

唐盧懷正 進御史大夫中宗謂曰聞卿喪妻今欲繼室可乎懷正唯唯俄而禁中有衣翟衣出者乃韋后乳媪所謂莒國夫人故蠻婢也納之不辭而人或謂爲國奢軒然不慙以自媚於后

遊蕩子 顏延年古樂府云嫁得遊蕩子一去未還鄉

秋夜不肯明教妾卧幽房

結髮 藝苑雌黃云今世婚禮有結髮一事取夫與婦髮合而結之古無有也伊川程氏曰婚禮結髮甚無意義欲去久矣未能言結髮爲夫婦者只是少小也如結髮事君結髮與匈奴戰豈謂合髮然伊川既言非義欲計正之而至未能革豈習俗之久未易遽革耶蘇子卿詩結髮爲夫婦恩義兩不疑曹子建詩結髮辭嚴親來爲君子仇杜子美詩結髮爲妻子席不暖君牀梅聖俞詩結髮事君子衣袂未嘗分皆謂結髮少小之時也

不必貴種 孔叢子曰浴不必江海要之去垢馬不必騏驎要之善走士不必賢世要之知道女不必貴種要之貞好

杜郎公少客齊陽 有縣令能相人曰縣之太姓相里氏女子當作國夫人召其女兄謂曰杜秀才人才足當以女弟妻之

邵氏聞見錄 晏元獻公爲相求壻於范文正公公曰公女若嫁官人其不敢知必求國士無如富某者

西陽雜俎 云馬伏波有餘兵十家不返居冷縣自和婚姻有二百戶以其流寓號馬留衣食與華同

王坦之爲桓溫長史 爲子求婚於坦之坦之許答父述既還述愛念坦之雖長大猶置膝上坦之因言溫意述大怒排坦之下膝曰汝竟癡耶詎可以女妻兵也

老劉郎 劉原父晚年再娶歐公以二絕戲之一云仙家千載一何長浮世空驚日月忙洞裏新花莫相笑劉郎今是老劉郎

箕帚賜之 晉庾亮兄女曰芳將嫁美服既具袞乃刈荆苕爲箕帚召諸子集于堂命芳曰芳乎汝少孤今汝適人將事舅姑洒掃庭內婦之道也故賜汝此匪器之爲美欲溫恭朝夕雖休勿休也

李氏女多貴 吳曾漫錄云李參政昌齡家女多得貴婿參政范公仲淹樞副鄭公戩皆自小官布衣選配爲連袂及都官公晉卿有二女其長子太廟齋郎越爲判官王陶樂善布衣滕甫元發相善一旦李死附家人語云吾長者配樂道次者元發我家得二婿足矣家人及二

君樂聞遂皆連袂次舉元發第三人登科而王尚幕職不日進擢相繼爲翰林學士已而遂爲兩府故世傳李氏之門女多貴焉

知張說必貴 定命錄云張公說之少也元懷景知其必貴嫁女與之後張至宰相

詩 天下無正聲悅耳則爲娛人間無正色悅目卽爲姝顏色非相遠貧富則有殊貧爲時所棄富爲時所趨紅樓富家女金縷繡羅襦見人不歛手嬌痴二八初見兄未開口已嫁不須更緣念貧家女寂寞二十餘荆釵不直錢衣上無真珠幾回人欲聘臨日又踟躕主人會良媒置酒滿玉壺四座且勿飲聽我歌兩途富家女易嫁嫁早輕其夫貧家女難嫁嫁晚孝於姑聞君欲娶婦娶

婦意何如白嫁女與征夫不如棄路傍結髮爲妻子席
不暖君牀暮婚晨告別無乃太匆忙君行雖不遠守邊
赴河陽妾身未分明何以拜姑嫜杜

錦繡萬花谷別集卷之十五



